

Cov Kws Qhia Ntawv uas yog Cov Pab Txhawb Nqa: Kev Pab Txhawb Nqa thiab Nrog Cov Tsev Neeg Ntau Hom Lus

Raws li tsev neeg uas hais tau ntau hom lus, kev tiv thaiv rau koj tus me nyuam txhais tau tias koj muaj txoj cai tau txais xov xwm, koom nrog thiab tau txais kev hwm li cov phooj ywg sib npaug hauv koj tus me nyuam txoj kev kawm lus, kawm ntawv thiab lwm yam ntawm lawv txoj kev kawm.

Txhawb Nqa Kev Sib Txuas Lus Ob Txoj Kev, Kev Pab Cuam Txhais Lus, thiab Kev Koom Tes

Koj muaj txoj cai kom muaj kev sib txuas lus uas meej, tsis tu ncua, sib tim, thiab yooj yim nkag siab ntawm koj thiab koj tus me nyuam lub tsev kawm ntawv. Nws kuj tseem ceeb uas koj xav tias txais tos thiab suav nrog. Tshooj no muaj cov lus nug rau koj siv los sawv cev rau kev sib txuas lus ob tog, cov kev pab cuam txhais lus, thiab kev koom tes hauv tsev kawm ntawv.

Kev Sib Txuas Lus Ob Txoj Kev

1. Puas muaj ib tug neeg nyob hauv tsev kawm ntawv los sis cheeb tsam tsev kawm ntawv (district) uas ua hauj lwm ncaj qha nrog cov tsev neeg thiab/los sis cov zej zog? Yog muaj, kuv yuav hu rau lawv li cas?
2. Kuv yuav tsum cia siab tias yuav hnov xov los ntawm cov kws qhia ntawv los sis tsev kawm ntawv ntau npaum li cas, thiab kuv yuav hu tau li cas thaum kuv muaj lus nug los sis kev txhawj xeeb?
3. Dab tsi yog cov hau kev zoo tshaj plaws rau tsev kawm ntawv thiab kuv los sib qhia ntaub ntawv thiab sib txuas lus yog dab tsi?

Kev Pab Cuam Txhais Lus

1. Tsev kawm ntawv thiab/los sis cheeb tsam tsev kawm ntawv puas muaj cov kev pab txhais lus sau thiab/los sis lus hais?
2. Kuv yuav thov ib tus neeg txhais lus li cas thaum kuv xav nrog tus kws qhia ntawv sib txuas lus los sis muaj rooj sib tham nrog ib tug neeg hauv tsev kawm ntawv?

Kev Koom Tes

1. Puas muaj ib yam tseem ceeb uas kuv yuav tsum paub txog kev ua hauj lwm hauv tsev kawm ntawv?
2. Muaj cov cib fim dab tsi rau kuv los koom tes nrog tsev kawm ntawv thiab/los sis cov koom tes hauv zej zog? (Piv txwv li, pab npaj cov txheej xwm thiab kev ua si, koom nrog kev txiav txim siab los sis koom nrog cov kev siv zog txhim kho tsev kawm ntawv.)
3. Muaj cov cib fim dab tsi rau cov tsev neeg los qhia tswv yim, koom tes nrog cov neeg ua hauj lwm hauv tsev kawm ntawv, los sis txuas nrog lwm tsev neeg hauv tsev kawm ntawv thiab hauv zej zog?

Txhawb nqa Tus Tub Ntxhais Kawm Ntawv txoj Kev Kawm, Kev Loj Hlob, thiab Kev Saib Xyuas Kev Noj Qab Haus Huv

Koj muaj txoj cai kom nkag siab tias koj tus menyuam raug txhawb nqa li cas hauv tsev kawm ntawv, hauv chav kawm thiab sab nraud. Tshooj no muaj cov lus nug los pab koj sawv cev rau koj tus menyuam cov hom phiaj kev kawm thiab kom nws muaj ib qho chaw nyab xeeb, uas txhua tus tub ntxhais kawm tuaj yeem vam meej hauv zej zog, kev xav, thiab kev kawm.

Kev Pab Txhawb Nqa Kev Kawm thiab Cov Cib Fim

1. Kuv tuaj yeem mus cuag leej twg yog tias kuv muaj lus nug txog cov ntaub ntawv qhia hauv tsev kawm ntawv los sis hauv chav kawm, kev qhia, cov kev pab cuam hom lus, los sis kev muab tso rau hauv chav kawm?
2. Kuv tuaj yeem mus cuag leej twg yog tias kuv muaj lus nug txog los sis xav tau kev pab nrog kuv tus me nyuam txoj kev kawm nce qib, kev loj hlob ntawm hom lus, los sis kev txhawj xeeb hauv chav kawm?
3. Muaj cov sijhawm dab tsi rau kuv los koom tes nrog tsev kawm ntawv thiab txhawb nqa kuv tus menyuam txoj kev kawm hauv tsev thiab hauv chav kawm?
4. Kuv tuaj yeem nrhiav tau cov ntaub ntawv qhia txog cov ntaub ntawv pab kev kawm, kev pab ntxiv, los sis cov cib fim xws li nyiaj pab kawm ntawv (scholarships) thiab kev npaj rau tsev kawm qib siab (college) los sis hauj lwm rau kuv tus me nyuam qhov twg?

Kev Noj Qab Hau Huv thiab Cov Kev Pab Txhawb

1. Tsev kawm ntawv tsim ib qho chaw txais tos rau cov me nyuam kawm ntawv uas paub ntau hom lus thiab pab lawv kom xav tias muaj kev nyab xeeb, raug suav nrog, thiab tau txais kev txhawb nqa hauv zej zog thiab kev xav li cas?
2. Tsev kawm ntawv daws teeb meem kev thab plaub thiab kev ua phem hauv zej zog li cas?
3. Tsev kawm ntawv txhawb nqa cov me nyuam uas muaj kev ntxhov siab hauv tsev li cas?
4. Tsev kawm ntawv koom tes nrog cov koom haum hauv zej zog los txhawb cov menyuam kawm ntawv uas paub ntau hom lus thiab lawv tsev neeg li cas?
5. Puas muaj kev pab cuam kho mob hlwb rau cov menyuam hauv tsev kawm ntawv lossis hauv zej zog, thiab yuav tau txais kev pab no li cas?
6. Kuv tuaj yeem kawm txog cov kev ua si ntxiv tom qab kawm ntawv uas muaj rau kuv tus me nyuam li cas?

Yog tias koj muaj lwm yam lus nug, thov siv qhov chaw hauv qab no los sau cia. Peb zoo siab mloog thiab pab koj teb.